



Universitätsbibliothek Paderborn

Metropolis Salisvrgensis

Continens Primordia Christianæ Religionis Per Boiarium Et Loca quædam
vicina; Catalogum videlicet & ordinariam successionem Archiepiscoporum
Salisburgensium, & Coëpiscoporum, Frisingensium, Ratisponensium,
Patauiensium, ac Brixinensium

Hund, Wiguleus

Monachii, 1620

Sequuntur Diplomata Imperatorum & Regum, Tutoni Episcopo, &
interuentu huius aliis quoq[ue] concessa.

urn:nbn:de:hbz:466:1-13553

VI. Indictione IIII. Anno vero piissimi Imperatoris Caroli in Italia VI. In Francia V. In Gallia II. &c. ut supra. In his literis manifeste scribitur Hemmam reginam sepultam apud superius Monasterium. Hemmeranici fratres historiographorum auctoritate assertunt Anno Domini 809. apud se sepultam, & iam olim refosstatam.

r De hac contentione & super ea facta transactione ita legitur in libro Donationum: Breue commemoratorium de conuentione piscationis & venationis ad Apirinse quæ fuit facta inter Luprimum Iuuauensis Ecclesiaz venerabilem Archiepiscopum, & Erchanfredum Ratesponen, ciuitatis Episcopum. Coadunauerunt se ambo iuxta vnius hominis condictionem cui nomen est Heripald, vt sicut ille veracissime proferret, ita utriusque consentire deberent. Qui interrogatus, se ab antiquis temporibus recordari respondit; quod de Iuuauen. sede per totius anni circulum in ipso supra nominato lacu una nauis fieri deberet ad piscationem, alia de castello sursum, tertia de maninseo, excepto autumnali tempore, quando patuli pisces, quos vulgo Lahsos vocant coiri debent, tunc solummodo in illo angulari loco ubi Iscola fluuius foris emanat, duæ naues ad pescationem illam fieri debeant, scilicet de Salzburg, & de Maninseo. Simili modo in vernali tempore quando albuli pisces coeunt fieri debet. Sed nunc Erchanfredus Episcopus licentiam dedit, vt tertia nauis ibidem ad illam pescationem fieret. De venatione ita se coadunauerunt, vt utrisque liceret in ista parte commouere & sic in antea caciando persequi. Similiter de altera parte liceret fieri, ea ratione vt primitus ad notitiam pervenisset ex utrisque partibus, & tunc communio manu prefatum opus compleatur. Iste fuerunt praesentes testes Norpest Comes, Arfrid vassus dom. Folchrad pazrib. Vnolz, Gereat, Ratpot, Wihtor, Reginhart, Heruohrt, Tetih, Heripold, Iacob, Fritilo, Gerpold, Vmmili, Gundheri, Wasigrim, Rato, Meginprecht, Adalger, Ilpune. Item Arfrid, Wizrich, Etti, Ruetprecht. Iste clerici, Sigheri, Erchanhoh, Perachtram, Gisalhart, Ratkor, Naudrat, & alij multi nobiles viri atque clericci. Actum ad Maninseo an. DCCCXLVIII. indict. XII. sub die cons. XIV. Kal. Aug.

f Otkarium] qui & Otkerus, sextus in ordine à S. Wilibaldo Eystetenfis Episcopus. Embrichus autem Episcopus Ratisbon. Embricho quoq. & Ambrochio appellatur: & notandum circa hanc variationem nominum propiorum, quod bene monet R. P. Iacob. Gresser. in Catalogo Episcoporum Eystetenfum de Erchenhaldo Episcopo agens; Parum porrò interest, siue Erchenbaldum siue Erchenboldum scribas: utraque enim scriptura usitata est; nec diuersum hominem facit; & frustra sunt, qui Wiliboldum à Wilbaldo & Wuniboldum à Wunibaldo discriminant, & S. Bonifacij comitatum & societatem nouis comitibus & socijs augent. Quoties in istis Germanicis vocabulis mutatura in o. vt Reginaldus, Reginoldus, Reinaldus, Reinoldus, Arnaldus, Arnoldus, & similia? neque ultra certa scribendi ratio in his Anglicis, Saxonics, & Alamanicis vocabulis obseruatur, ut videre licet tam in impressis, quam in calamo exaratis codicibus.

t Huic siue Asperto, siue Ansperto Episcopo transcritit D. Laurentius Hochvvard in suo Chronico Episcopor. Ratisbonen. commutationem factam cum Otkario Eystetenfis Episcopo, de qua paulo ante mentio fuit facta.

Sequuntur Diplomata Imperatorum & Regum, Tutoni Episcopo, & interuentu huic alias quoq. concessa.

i. **I**n nomine sanctæ & indiuiduæ Trinitatis. Carolus Dei gratia Rex. Si Dei Ecclesiis nostro videlicet Regimine procurandis dignos adhibere

hibore curamus honores, non solum terreni, sed & cœlestis regni non dubitamus honore & fastigio nos sublimari. Inde volumus in nostrorum præsentium, futurorumque peruenire notitiam; qualiter conuenit inter venerabilem virum Radesponensis Ecclesiæ Episcopum Totonem, & quendam hominem nostrum, ut aliquas res eorum inter se, pro ambarum opportunitate partium concambire deberent: quod & fecerunt. Tradidit igitur N. proprietatem suam sancto Emmerammo Martyri, qualem visus est habere, cum omnibus ad prædictum locum ritè pertinentibus in manum Episcopi & aduocati sui N. in perpetuam proprietatem: Econtrario vero retradidit eodem Aduocato una cum manu Episcopi accepit prædictus N. de rebus S. Emmerami locum N. cum omnibus appendiciis in perpetuam proprietatem. Et ut huius concambij præceptum firmum stableque permaneat, manu propria subtus illud firmavimus, annulliq; nostri impressione signari iussimus.

Diploma Arnolfi Imperatoris.

IN nomine sanctæ & indiuiduæ Trinitatis, Arnulfus diuina ordinante clementia Rex, si id cuius diuino cultui mancipaturali aliquod suffragium* id nobis ad perpetuam beatitudinem promerendam, quidquid profuturum esse credimus. Quapropter nouerit omnium fidelium presbyterorum præsentium scilicet atque futurorum industria, quia nos quandam commutationem in Bavaria in pagis Chelezgouue cum Ambrochoven. Reginæ urbis Episcopo, cù consensu totius Collegij sibi subditi fecimus, dedit namque nobis præfatus Episcopus quandam proprietatem eidem viri contiguam ad Monasterium S. Hemimerammi martyris Christi constructam pertinentem, quæ quia ante illum aliquando ad inclusionem ferarum destinata fuerat, iterum ad hoc ab eo poposcimus concambiandum ac reuocandum. Nos vero in recompensationem eiusdem locelli, vulgari nomine Pruoil nominati, dedimusque ad prædictum Monasterium in pago Chelezgouue in villa Mandorff Ecclesiam cum decima & demum cum curte ceterisque ædificiis & vij hob, de terra scilicet, cum parstalkeis omnique censu eorum, cunctisque iustæ ad eandem proprietatem pertinentibus, agris, mancipiis, pratis, vineis, pascuis, sylvis, aquis, aquarum, ue decursibus, exitib. & redditib. mobilibus & immobilibus, cultis & incultis. Et iussimus inde hoc nostræ auctoritatis fieri præceptum, per quod sanctimus arq; iubemus, ut hæc commutationis auctoritas firma & stabilis perpetuis perseveret temporibus, sine aliquius contradicentis impedimento. Ut illa plenior in Dei nomine obtineat firmitatem manu propria confirmauimus, anuloque nostro assignari iussimus. Signum Domini Arnolfi piissimi Regis.

R. Aspert, Cancellarius ad vicem Archicapellani recognoui. Data
N
A
S
V. Feb. Dominicæ incarnationis DCCC. LXXXVII. Indictione VI. Actum urbe Regina, in Dei nomine feliciter Amen. Anno
L. regni Domini Arnolfi piissimi regis.

IN nomine sanctæ & indiuiduæ Trinitatis. Arnulfus diuina fauente clementia Rex: Si debitores sumus, omnibus iniustitiam patientibus lineam æquitatis exhibere, dignum fore arbitramur, quatenus Ecclesiasticae res mundiburdum, ac defensionem à nobis habeant, nullamque perpetiantur iniquitatem. Idecirco nouerit omnium fidelium nostrorum, tam præsentium quamque futurorum industria, qualiter nos quorundam religiosorum virorum relatu didicimus, qualiter quædam res in pago Quiringouue in comitatu Hunol-